

Kuantan

JKM kemuka perintah batal hak penjagaan

Jabatan Kebajikan Masyarakat (JKM) Pahang akan mengemukakan perintah pembatalan hak penjagaan kanak-kanak perempuan berusia enam tahun yang didera keluarga angkatnya sejak lapan bulan lalu di Mahkamah Kanak-kanak, di sini, esok (hari ini).

Pengarah JKM Pahang Zulkhairi Zainal Abidin berkata, urusan dan proses pembatalan dokumen pengambilan anak angkat yang dilakukan antara keluarga mangsa dan keluarga angkat pada November lalu akan dikemukakan untuk pertimbangan mahkamah.

“Ibu kandung kanak-kanak terbabit bersama pegawai pelindung JKM akan memohon pembatalan akuan penyerahan mangsa kepada mahkamah. Segala proses itu akan dibantu pegawai pelindung kami,” katanya.